

BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO NERETVANSKI KANTON
OPĆINSKI SUD U KONJICU
Broj: 56 0 Ip 026356 18 Ip 2
Konjic, 20.11.2018. godine

OPĆINSKI SUD U KONJICU, sudija Elis Sultanić, u izvršnom postupku tražitelja izvršenja "GRANITI ZAGREB" d.o.o. Žitnjak, b.b., kojeg zastupa prokurista Bogdan Joković iz Sarajeva, protiv izvršenika "GRANIT" d.d. Jablanica u stečaju, kojeg zastupa punomoćnik Prof. Dr. Ramo Atajić Advokat iz Sarajeva, radi naplate novčanog potraživanja, vsp. 1.094.870,00 EUR, odnosno 2.141.346,75 KM, zateznih kamata i troškova izvršnog postupka, dana 20.11.2018. godine, donio je slijedeći:

ZAKLJUČAK

Zaključak ovog suda broj: 56 0 Ip 026356 18 Ip 2 od 22.10.2018. godine o prvoj prodaji nekretnina izvršenika „GRANIT“ d.d. Jablanica u stečaju, označenih kao k.č. 317/1 zv. „Dolčić“ upisanih u z.k. ul. broj: 196. k.o. Jablanica, stavlja se van snage.

Neće se održati prva prodaja nekretnina izvršenika „GRANIT“ d.d. Jablanica u stečaju, označenih kao k.č. 317/1 zv. „Dolčić“ upisanih u z.k. ul. broj: 196. k.o. Jablanica koja je bila zakazana za dan: PETAK, 23.11.2018. godine u ovom sudu, sprat I, soba broj 8 sa početkom u 09,00 sati.

Obrazloženje

Nakon donošenja zaključka za prvu prodaju nekretnina izvršenika, pobliže označenim kao u izreci ovog zaključka, punomoćnik izvršenika podnio je prigovor protiv rješenja ovog suda broj gornji od 22.10.2018. godine, u kojem navodi da je tražitelj izvršenja brisan iz sudskog registra Trgovačkog suda u Zagrebu. O istoj činjenici sud je obaviješten i podneskom radnika – povjerilaca izvršenika. Uz prigovor i navedeni podnesak dostavljena je dokumentacija kojom se potkrijepljuju navodi iz ovih pismena, koja dokumentacija nije u originalu, već je dostavljena u neovjerenoj kopiji, bez potpisa uređujućih sudija, višeg sudskog savjetnika i pečata Trgovačkog suda u Zagrebu. Na Povijesnim izvadcima iz sudskog registra dostavljenim uz prigovor je naznaka „NESLUŽBENI PRIMJERAK“.

Kako bi se utvrdilo da li je tražitelj izvršenja brisan iz registra, odnosno da li je prestao postojati, potrebno je da izvršenik dostavi za spis originalne dokumente koje je priložio uz prigovor.

Da bi se spriječile štetne posljedice prodaje nekretnina izvršenika do utvrđenja činjenice da li je tražitelj izvršenja brisan iz sudskog registra, odlučeno je kao u izreci ovog zaključka.

Pouka o pravnom lijeku:

Protiv ovog zaključka, pravni lijek nije dopušten.

